



Kominike Lapres

Konferans Lapres par Parti Politik

Sa ki SBC in fer, par fasilite konferans lapres an direk lo nou platform, in fer li dan lentere la demokrasi e dan lentere drwa lekspresyon. Sa i dekoul dan nou manda konstitisyonel, pli prezizeman lartik 168 nou konstitisyon, ki obliz nou donn en platform pour bann pwenn-vi diferan.

SBC pou ofer sa menm fasilite konferans lapres an direk okenn lezot parti politik ki anvi servi.

Sepandan, drwa lekspresyon, parey tou drwa, i vin avek son responsabilite. Sa responsabilite dan sa lenstans an-direk i tonm larzman lo sa bann dimoun ki per fer zot deklarasyon. Sa ki pe koze i annan en reponsibilite legal e moral pou li pa koz domaz ou lofans ki pa zistifyab. Si sa ki pe ganny dir i difamatwar ou en kalomni, sa group oubyen endividi kin ganny afekte par sa i annan rekour avek sistenm zidisyer, e osi annan en drwa de repons lo menm platform SBC.

Si bann deklarasyon i fo, i pa korek, lezot lenstans e parti-prenan dan pei i annan tou drwa pou 'challenge' sa!

SBC li, i osi annan en devwar pou met o kler kot i annan fo deklarasyon e konfizyon. 'Fact-checking', savedir verifye si sa kin ganny dir l vre ou fo, i en laspe nou gidans editoryal ki nou pe ranforsi pti a pti. Nou annan en responsabilite pou dir laverite e raport lo sa ki vre, e nou pou pourswiv rod laverite lo la par piblik dan en fason endepandan, e san presyon ou faver pour person.

E dan tousala i annan Piblik seselwa avek zot lopinyon. E Lopinyon Piblik a osi pas en zizman lo sa ki pe ganny dir e ganny prezante devan zot. Si nou priv zot sa sans pou fer sa ler nou kapab, nou pa pe ed nou demokrasi.

Si, an fasilitan sa kalite servis dan lentere nou demokrasi, nou vwar ki sa pe ganny abize, e responsabilite ki vin avek 'freedom of speech' pa pe ganny pran par en parti/lantite ki ganny donnen sa platform, SBC pou fer son devwar pou retir ou restrikte sa kalite akse lo nou platform.

Dan lenstans ki en Parti politik (oubyen nenport antite) i donn SBC en program kin rikorde pou nou redifize (dan PPB par egzantp), SBC ti pou bezwen revwar sa program dan konteks kontrol editoryal. Nou pou bezwen rekonnnet ki sa i pa kapab ganny fer dan lenstans en difizyon an direk.

Sa ki nou kapab fer, sepandan, e pou fer si i nesaser, se aplik sa bann menm prensip editoryal dan en fason retrospektiv. E sa i enkli pa aprouv okenn difizyon an direk, si bann prensip editoryal e etik pe ganny abize.



[Kominike Lapres \(kontinnyasyon\)](#) Konferans Lapres par Parti Politik

Konferans lapres an direk i en programasyon ase nouvo Sesel kin konmanse sa dernyen lannen. I en servis normal dan lemonn medya. I nesaser, alor, ki bann group ki ganny sa fasilite i konpran ki manyer pou servi li byen e ki SBC osi i kontinyen devlop ban lareg pli kler lo sa servis an menm tan ki nou demokrasi e drwa lekpresyon i kontinyen develope.

I bezwen annan en balans akseptab ant drwa lekspresyon e protez bann lideal demokratik, vizavi bann responsabilite ki sa i vin avek.

Nou lans en lapel avek tou parti-prenan pou fer ki 'political discourse' i ganny eleve lo en standar etik e moral ki tre o, e ki pou fer nou pep an antye fyer pour sa demokrasi ki nou ladan.

Nou oule reasir piblik Seselwa ki SBC pou kontinyen pran son responsabilite koman en antite enportan dan katriyenm pilye nou demokrasi tre serye, e san faver ou lafreyer.
